

Parare Domino Plebem Perfectam

A lokisetse Morena Sechaba se phethehileng (Luka 1,17)

# Moeletsi oa Basotho

www.moeletsiobasotho.co.ls

Liakhente li inola mafutsana



2

Sehlabaka o malala-a-laotsoe

5



'Muso o fa baaki tsebe

6



3

## E FULA MOO E ROPUOENG

www.moeletsiobasotho.co.ls



+266 28 350 466/  
+266 6260 09 WhatsApp  
newsroom@moeletsiobasotho.co.ls

KETEKELO EA LILEMO TSE MAKHOLO A MABELI SECHABA SA BASOTHO SE THEILOE

#PARARE DOMINO PLEBEM PERFECTAM

# MOELETSI

## Tšupa ee e ka ntšoa joang?

Hoa hlaka hore taba ena ea bobolu ha se ntho e tlo fela hona joale, ho ntša tšupa ee e emeletseng lichelete tsa sechaba ekaba 'muso o lokela ho etsa joang? E mong a ka re ho hiroe batho ba tsoang kante ho naha ho tla etsa liphuputso kaha bona ba se na ho nka lehlakore. Leha ho le joalo hoo ha ho hlakole hore ba ka khaketsoa ke ba entseng bobolu hore ba se sibolle litaba. Hona ho ka eketsa bobolu ho na le ho bo felisa.

Bahlanka ke bao ba itjeletse bokhothokhotho bo baloang ho limillione ba chelete ea 'muso, moo ba ntseng ba lefa likamphani tse itseng chelete hararo empa li sa sebetsa ha kalo. Ka lehlakoreng le leng chelete e tsamaea e kena e khutla Bankeng e Kholo ea Lesotho (CBL) e leng se bakang khoao ka eona. Har'a lintho tsohle tse ka bakang phapano lipakeng tsa batho ba ba ntšana mali ke chelete, ha e khethe le hore na batho ba amana joang, e ka ba 'm'e le ngoana. Ha ba tla cheleteng teng motho o loana hore ho khaohe moo ho khoehang. Ka hona batho ba ile ba sheba limpa tsa bona le tsa malapa a bona eaba ba lebala hore ba sebeletsa sechaba se kenyeletsang bona batho bao.

Re leboha 'Muso oa Lesotho ka ho arabela selo sa baoki ba sebetsang ka lithabeng, se neng se siile sechaba tlokotsing kaha ba ne ba kene boitsekong. Le hoja ba sa fuoa seo ba neng ba se kopile, sejo senyane ha se fete molomo etsoe 'muso o tšepisitse ho eketsa chelete eo selemo le selemo kaha ha o ka fana ka eona ka nako e le 'ngoe o tla sitoa ho phetha merero e meng ea bohlokoa. Merero ena e kenyeletsa ho ahela sechaba Litsi tsa Bophelo, ho li hokela metsi le ho matlafatsa litšebeliso tsa bophelo.

Re se re ipiletsa ho baoki bao ho amohela se teng, joalokaha ba entse molemong oa sechaba hobane bana ba motho ba arolelana hlooa ea tsie. Baoki, thusang bana babo lona ba Lesotho ka lerato, boitelo le boikokobetso hobane mosebetsi oa lona ke o mong oa bohlokoa haholo kaha o arabela lithoko tsa mantlha tseo motho a ke keng a phela ntle le tsona. 'Muso le ona o mpe o tšepehalle tšepiso eo o e entseng e le ho baleha hore nalane e iphete, hobane ruri sechaba se utloile ebile ha se rate ha taba e joalo e ka ipheta hape.

Motho ha ile a lula Setsing sa Tlhabollo ea Batšoarua nako e itseng mohla a seng a tsoa o thatafalloa ke bophelo hobane sechaba sea mo nena le ho mo khesa, hoo qetellong a ka iphumanang a entse tlolo ea molao hape. CCROA e nkile boikhathatso ba ho rupela sechaba hore se amohela batho ba ileng ba tšoarua hobane khethollo eo ba e fumanang e ka baka litlolo tsa molao. Ha ho motseteli ea ka ratang ho lula kahar'a naha e lulang e tšolla mali, ka hona ba tla tsamaea ebe mosebetsi ena eo e seng e ntse e le leqeme ea feela batho ba bolaoa ke tlala.

# Liakhente li inola mafutsana

## Nthabeleng Seithleko

**M**okhatlo oa Liakhente Lesotho, o phatlalalitse lefapha la molao le reretsoeng ho ba molo-mo oa bahloki le batho ba tlokotsing ba sa abeloe toka. Tsena li boletsoe ke

etsa ho fana ka ts'ehetso ho mafutsana hore a fumane ts'ehetso ea babuelli ba molao, litabeng tsa tlhekefetso, khatikelo ea litokelo tsa mantlha tsa botho le bao e leng mahlatsipa a tlhekefetso.

O re leha molao o re bohle ba abeloe toka empa ba hlokometse hore Basotho ba bangata ba ntse ba tobane le qholotso litabeng tsa toka, ka ho hloka babuelli ba

liakhente le Sekolo se Seholo sa Sechaba (NUL) le mekhatlo e meng e ikemetseng le bona ba iphumana ba tlameha ho ema ka maoto ba sebet-sa 'moho le bao.

O re ba tla sebetsana le linyeoe tsa lehae, mesebetsi, botlokotsebe le Litokelo tsa Mantlha tsa Botho, ka hona ba ririle ho ts'oarela sechaba lipitso ho se beha leseling A re leetong lena ba



Mookameli oa Mokhatlo ona Adv. Lintle Tuke, 'mokeneng oa bo-ralitaba oa la 12 Phupjane monongoa-ha.

Sena mokhatlo o se

molao ka lebaka la tlhokahalo ea lichelete, kahlhello ea tsebo hoo ba qetellang ba itšeka thajana ka ho khetholoha basali le bana.

A re ho koala sekheo sena ba tl'o fana ka babuelli ba molao litabeng tse joalo, ho sireletsa Basotho, 'me ba tla tšoarana ka matsoho le mafapha a mang.

O supile hore molao-theo oa mokhatlo oa bona o ba fa matla a ho ema ka maoto ho sireletsa ba tlokotsing. A re joalokaha 'Muso oa Lesotho o fana ka tšehetso ea

ikemiselitse ho sebet-sa 'moho le Babuelli ba 'Muso, Lekhotla le Phahameng le babuelli bohle ba molao. A bontša hore ho na le mekhatlo eo ba ntseng ba sebetsa le eona, bafani, NUL ka lefapha la molao ebile e le monyetla oa ho bulela baithuti mekhoha ea ho ithuta mosebetsi ea nakoana.

O re Mokhatlo oa Liakhente Lesotho o thehiloe ka molao ke paramente ka hona ba ikemiselitse ho tlisa phe-toho ea moshoelella litabeng tsa toka.

Contacts: +266 28350 466 / 6260 0983 (Whats app)  
Email: moeletsioabasotho@gmail.com

**MOELETSI oa BASOTHO**  
A LOKISETSE MORENA SECHABA SE PHETHILENG (LUKE 1:17)

### Editorial

Lesoetsa Rakubutu (Editor)  
(+266) 58490670 / 62031949  
editor@moeletsioabasotho.co.ls

Lehlohonolo Mohale (Sub-editor)  
(+266) 58 771 507 / 62 771 507  
subeditor@moeletsioabasotho.co.ls

### Advertising

Thabo Lesaoana  
(+266) 28 350 466/ sales@moeletsioabasotho.co.ls

### Newsroom

Nthabeleng Seithleko 57 665 038/ 68 216 721  
nthabeleng.seithleko@moeletsioabasotho.co.ls

Tšeliso Thakholi (Sports) 58 540 853/ 63 480 404  
tseliso.thakholi@moeletsioabasotho.co.ls

newsroom@moeletsioabasotho.co.ls

### Production Desk

'Mateele Liqa, Sr. Canicia Nthunya

# E fula moo e ropuoeng



Molula-Setulo oa Komiti e lisiseng Lichelete tsa 'Muso (PAC), 'Machabana Lemphane Letsie.

## Nthabeleng Seithheko

**M**olula-Setulo oa Komiti ea Paramente e lisiseng Tšebeliso ea Lichelete tsa 'Muso

(PAC), 'Machabana Lemphane Letsie, o re Banka e Kholo ea Lesotho (CBL) le bahlanka ba Ofisi ea Ramotlotlo oa 'Muso, ba nkha lefotha bosholong ba bokhothokhotho bo lefiloeng likhoebo ntle le tumello ea Ra-

motlotlo. Tsena li hlaheletse tulong ea komiti ka la 12 Phupjane monongoaha.

O supile hore babelaelo ba ile ba beoa kapel'a makhotla a naha ena, moo se seng sa litsebi tsa marang-rang a lichelete se

belaeloang linyeong tse fetang 20 leha ho le joalo linyeoe esale li ema ka hona li salane le makhotla.

Mohlalobi e Moholo oa Libuka o ne a ile a bolela komiti hore chelete eo a sa tsebeng moo e teng ke M50Billione, ha M1Billione e tlalehoa e lefile likhoebo tse sa sebetsang letho ka litefo tse imenahatseng e bile ho sa laeloa hore li lefshoe. Likhoebo tsena ke Data Deal Security System, Sunny Job Hygiene eleng likhoebo tse lefiloeng hararo, ka matsatsi le likhoeli tse fapakaneng le mohlanka ea sa boleloang ka lebitso. A re Ntle ho moo ho na le chelete e kaalo ka M9Millione e ileng ea lefshoa banka ea e khutlisa, ea boela ea lefshoa 'me ketso eo ea belaela.

Tlaleho ena ea bohlahobi ba libuka ea selemo sa 2021 ho isa ho 2022 e hlalosa tšebeliso ea lichelete ea nako eo e bile mpe, kaha ho na le litefo tse sa hlakang tse etsahetseng pakeng tsa Ofisi ea Ramatlotlo oa 'Muso le CBL.

Bahlanka ba hloailoeng ho etsa mosebetsi ona ba bonahala ba sa etsa mosebetsi

si ka tsela e khotsofatsang, e leng se lebisitseng bobolong ba chelete eo.

Lebitsong la Mohlahlobi e Moholo oa Libuka Paul Letlela, o supile hore ba fumane ho na le chelete e kaalo ka M300Millione eo ba sa tsebeng ho e hlalosa.

Ramatlotlo e Moholo oa 'Muso 'Malehlohonolo Mahase, o bontšitse nakong eo ba neng ba ithlophelela ho fana ka litlaleho ho Mohlahlobi e Moholo oa Libuka tsa 'Muso, ba ile ba fumana ho e-na le phapano lipakeng tsa litefo tse entsoeng ke bona le tsa CBL. O re hang ba ile etsa lipatlisiso tseo ba ntseng ba tsoelapele ka tsona.

A tšepisa hore tlaleho ea Mohlahlobi oa Libuka ea selemo sa 2023 ho isa ho 2024 e tla phetheloa ka khoeli ea Phato, e tla hlaha e arabetse liphoso tsohle tse bileng libukeng tsa 2021 ho isa ho 2022.

Setho sa komiti Napo Mo-shoeshoe, o itse na boh-lanka bo ile ba nka mehato efe pele ho ketsahalo ena hobane sena se ka be se sa etsahala hoja ba tseba ho hlahloba mehato e lebisang kotsing ea hore ba tla utsoetsoa pele ho etsahala. A re babelalla litabeng tsena ba lokela ho nkeloa likhatho ha ba fumanoa ba le mola-

## Nthabeleng Seithheko

**K**olo e tlalehoa e atetsoe ke litlolo tsa molao joalo-ka bosholu le lipolao, 'me sena se ama bolokolohi ba sechaba se phelang tikolohong eo. Tsena li hlaheletse pitsong ea sechaba e neng e tšoeroe ke Mokhatlo oa Batšoaruoa ba Mehlang (CCROA), ka la 11 Phupjane monongoaha.

Mookameli oa CCROA Nkalimeng Mothobi o re ba ikutloile ba tšoanela ho ema ka maoto ho potoloha le metse ea Basotho ho fana ka thuto hobane ba tšoentsoe ke tšekefetso e etsetsoang basali ka malapeng le metseng, hore banna ba fetohe basireletsi ka linako tsohle. A re morao hona ho bonahala ho tletse boiphethetso sechabeng, ka hona batho ba khaotse seo hobane ke tlolo ea molao.

A ipiletsa ho banna ho tšoara ka thata ho fetola boemo bona hobane taba eo e bakela naha bolutu moo ho ka qetellang le batseteli ba balehile. A re Litlolo tsa molao ha li rarolle mathata a tlaala empa li'a eketsa ho feta.

A kopa sechaba ho amohela batšoaruoa ha ba tsoa ka litsing tsa tlhabollo hobane ha ho na motho ea

# CCROA e khalema sechaba

lakatsang hore bophelo ba hae bo felle moo. A re bao ba tlameha ho amohela kahar'a sechaba e seng ba nyefoloe le ho phelisoa ha bohloko kaha seo se etsa hore ba etse litlolo tsa molao kamor'a nako e khutšoanyane.

Lebitsong la Bats'oaruoa ba mehlang Khoale Thinyane, o itse oa ipotsa hore na hantle tlolo ea molao e kahlisa mang. A supa hore tšekefetso ena e etsetsoang basali ke banna e tlo qetella e lelekile batseteli ba fanang ka mesebetsi ebe naha e apareloa ke bofuma ho feta.

O ipilelitse ho banna le basali ba sebaka sena ho thibela tlolo ea molao pele e etsahala ka ho fana ka menyenyetsi mafapheng a fapakaneng a tšireletso. A re bacha ba sebeletse khotso, kholo le ntlafalo ea naha ea habo bona, ba se hloke lentsoe liketsahalong tsena hobane ho ama bokamoso ba bona.

Lebitsong la Ofisi ea Tona-Kholo Lefapheng la Smart Partnership, Pitso Tsenase, o itse naha e lahlehela ke batseteli ka lebaka la litlolo tsa molao ka hona Basotho ba khaotse liketso

tsena tse e behang tlokotsing. O re litlolo tsa molao li ama tokoloho, lintlafatso le khotso ea metse hoo batho ba qetelang ba sa phelisane hantle.

A re batsoali ba khaleme bana ba bona ho ba thusa ho utloisisa litlamorao tsa litaba tsena tse bolutu tsa lipolaeano. O itse ke boi-

karabello ba batho bohle ho sireletsana, ho fana ka menyenyetsi hore tlolo ea molao e thibeloe ka nako.

A boela a re taba ea batšoaruoa ba lokolloang le ho khutlela litsing e ama sechaba, ka hona batšoaruoa ba neng ba sa amohela kahar'a sechaba ba amohela hobane

ke karolo ea sona.

O supile ba sebetsana le batho ba holileng le ho etsa mesebetsi ea ho ikholla bofumeng, ha joale ba ntse ba sebetsana le merero e 150 e anetseng literekeng tsohle, 'me ka eona ba hokahanya batho ba holileng le makala a fapakaneng hore ba fumane likoetliso.



Mookameli oa Mokhatlo oa Batšoaruoa ba Mehlang (CCROA), Nkalimeng Mothobi.

# Temo ke bophelo

bona mekhoa ea ho iphelisa ka temo. O ile a itokolla, ka hona ke rata ho mo leboha e-na le mekhoa ea ho phe-la. Ebe ha ba lokela ho ea lema ba kobile linala, 'me

## Qaleho ea leeto

Ke ile ka hiroa nako ea li-lemo tse peli Masianokeng Temong, ke etsa mosebetsi oa masimong le ho hlahisa mefuta e fapakaneng ea sethopo. Sethathong temo e ne e se ntho eo ke e ratang, 'me ke ne ke bona e le ntho e se nang thuso e bileng e ntšenyetsang nako. Ha ke se ke ntse ke sebet-sa ka qala ho bona hore e bohlokoa ha feela motho a e-na le lerato la eona. Mosebetsi oa temo o hloka motho ea mamellang liqholotso tseo a kopanang le tsona.

Ha ke ntse ke le temong, ke hona moo ke ileng ka ithuta mosebetsi e ngata e kang tlhahiso ea sethopo, temo ea meroho ka ho fapaka-na le tsohle tsa bohlokoa tse amanang le temo. Ka selemo sa 2013 ha ke se ke bona hore nka tseba ho iqalla khoebo ea temo, ka kopa mohiri oa ka ho ntokol-la mosebetsing nke ke il'o

## Tšelisano Thakholi

**B**acha ba bangata ba bonahala ba ntse ba iphapan-nyetsa pheko e ka tlišoang ke temo, bakeng sa ho loantša tšala le tlhokahalo ea mesebetsi. Boholo ba bacha ha ba qeta ho phethela lithuto tsa bona ka Sekolong se Seholo sa Temo, ba phutha matsoho ba emela ho hiroa le hore motho a lule ka ofising ka litsebo tseo ba nang le tsona tse ka ba pholosang tšaleng ena ea boja-likata. Mosebetsi ha se ho lula ka ofising feela! Re ile ra buisana le sehoai sa temo ea meroho ka ho fapakana le lijalo tsa masimong, e bile e le mohlhisi oa mefuta e fapakaneng ea sethopo, Monghali Molikeng Ramahlele.

O li bona tjena:



## Luti Foods Processors

Lithabaneng, Ha Keiso



"Blend of cayenne pepper garlic turmeric, cinnamon & thyme"



"Blend of red onion red bell pepper & garlic"

"Blend of chilli, corianda & tomato"

"Soul soothing sauce to feed your taste buds"

Contacts:

58855012 Call/ What'sApp

[www.moeletsioabasotho.co.ls](http://www.moeletsioabasotho.co.ls)

hobane o ile a mpha letsoho kahare a ba a kenya moea oa lerato la temo kahare ho 'na. Ke ile ka bona hore temong bophelo bo teng, 'me bacha ba ka tseba ho phela le ho phelisa malapa a bo bona.

## Qaleho ea mosebetsi

Ke ile ka qala ho lema meroho le ho hlahisa sethopo hona lapeng mona, empa ho ne ho se bonolo haholo hobane e hlile ha motho o qala liqholotso li ngata tse kang mokhoa oa ho qala. Sejalo seo ke ileng ka qala ho se hlahisa ke green pepper, 'me ka e hlahisa ka bongata e sita le kajeno. Ke e rekisa bathong ka bo-mong le likhoebong tse kholo. Ha ke bona katleho e ntse e ba teng, ka tlameha ho fumana libaka tse ling tseo nka sebeletsang ho tsona. Ha joale re na le libaka tse peli e leng lapeng mona le Masianokeng moo re hlahisang mefuta e fapakaneng ea sethopo. Ke boetse ke hirile masimo moo re hlahisang meroho. Ha joale re lema lijalo ka mefuta le sethopo. Ka mosebetsi ona oo ke o etsang oa temo ke na le batho ba bararo ba sebet-sang ka nako eohle, empa re boele re be le ba bang ba re thusang ha nakoana.

## Thepa ea temo

Naha ea habo rona e lehlonolo haholo hobane e na le libaka tsa temo, empa li lutse feela li sa sebelisoa. Ho na le batho ba ratang temo empa ba se na matla kaha e hloka thepa e lokisang mobu, lipeo, meriana le manyolo. Ntho tsa mofuta ona li fuoa batho ba se nang lerato la temo, ba bile ba

lintho tse kang lipeo, manyolo le lisebelisoa li qetelle li senyehile empa li ka be li fuoe batho ba li hloakang. Lintho tsa temo ha li se tsa fuoa batho ba ruileng ba sa li hloakang ebe li ntse li senyehela malapeng a bona kaha li lutse feela li sa sebelisoa. Ha li fuoe batho ba nang le lerato la temo ba tla tseba ho li sebelisa.

## Khothaletso ho bacha

Ke ithutile hore bophelo bo teng temong, le hoja ho qala ho se bonolo empa bophelong ntho 'ngoe le e 'ngoe motho ha e batla oa e fihlela ho sa khathalle hore na ke kamor'a nako e kae. Ke khothaletsa bacha haholo ho itahlela temong, empa ba lokela ho utloisisa hore ke mosebetsi o hloakang motho ea nang le mamello, hoba liqholotso tsa ona li ngata. 'Na ha kea o ela sekolong ke ithutile ona moo ke neng ke sebet-sa, empa ke ile ka bona hore ka temo nka phela, ka phelisa lelapa le ho phelisa ba bang bana beso. Bacha ba keneng sekolo sa temo ba lehlohonolo haholo hoba litsebo tseo ba nang le tsona ha ba ka li kenya mobung ba ka phela, empa taba e kholo ke hore motho a be le lerato la temo.

## Keletso ho bacha

Bacha ntho e hlokalalang litabeng tsa temo ke sepheo, boitjoetso, lerato le kutloisiso ea hore na u batla ho etsang. Temo ke mokokotlo oa naha, bacha temo ke bophelo. Qalang hona liratsaneng moo le leme meroho le etse sethopo le rekise le tla bona ha le felisa tšala le tlhokahalo ea mesebetsi ena e aparetseng Lesotho.

# 'Muso o bule menyako

## Nthabeleng Seitlheko

**T**okoloho ea naha efe kapa efe ha e'a phethahala ha lefatše le se tsamaisong le kalosong ea baahi kaha le moruo o nyotobela nako le nako. Tsena li boletsoe ke Raliphatlalatsa oa LPC Telang Mpole, puisanong le Koranta ka la 11 Phupjane monongoaha. O re linaha tsa lefatše li bonahala li le ntsoe-leng hore baahi ba lokela ho ikhethela babusi 'me lefatše ka moka le lumellana le tabeng ena, leha ho le joalo 'nete ke hore ho ne ho ntse ho e-na le tiehiso empa baholo ba e loanetse 'me ba e hlola.

A re bothata bo tobileng linaha tsa lefatše haholo tsa Afrika, ke hore moruo o ntse o le matsohong a bo-ralikalone ka hona. Linaha li hloka ho itokolla bokhobeng bona ka ho etsa melao e fang baahi taolo e feletseng moruong ho qala ka mobu o hlahisang merafo hara tse ling. O re merafo ke matlotlo a naha ka hoo ka tsoanelo beng ba naha ke bona ba lokelang ho fuoa monyetla oa pele hore chelete e potolohe kahar'a naha.



O re e bang Basotho ba ka fuoa monyetla oa ho kena merafong ka matla le ho ba le matla taolong ea mobu, hoo ho tla holisa khoebo, ho matlafatsa boikopanyo ba Basotho le ho sitisa melata ho kenya khoebo kahar'a metse ea Basotho. O itse Naha ea Lesotho e tlameha ho lumella hore litaba tsa litaemane li be taolong ea Basotho, e le hore bacha ka boikopanyo ba tsoe bokhobeng ba tšotleho ho iqalla likhoebo tsa merafo.

A re Lesotho le ka fetola bophelo ba sechaba ha ba matleng ba ka khaotsa ho itjella le metsoalle ea bona le melata. O re ke Basotho ba Lesotho ba ka qobelolang ke melao eo ba iketsetseng eona ka babusi ba bona hore lintho li etsahale, empa melata ha ngata e na le mekhoha ea ho tsoa tlaase melao ea linaha ka tšepo ea hore ba ka ikhutlella ha habo bona ha ba qeta ho kotula linaha.

H'a phethela o itse 'Muso oa Lesotho o tlameha ho tiisa ka mahlong o loanele hore melata e hlonephe melao ea naha molemong oa ho lopolla Basotho tlang ea boja-likata eo ba tobaneng le eona. O re linaha li eme ka maoto ho sireletsa matlotlo a tsona le ho boulela bophelo ba sechaba, ka hoo Lesotho le tlameha ho ba mohlala o motle oa ho bulela bacha menyako ea mesebetsi e meholo e seng feela hore ba kene khoebong empa ba ithahisetse kaha ba e-na le mefuta e fapakaneng ea litsebo le lithahasello.

Ka lehlakoreng le leng, Mongoli-Kakaretso oa Mokhatlo oa Section-2 Rapuseletso Sekabi, o itse

Naha ea Lesotho e monyetlemg o holimo oa ho ntlafatsa moruo ha e ka tsetella merafong. O re e teng ha joale ke setsibana feela kaha naha e ntse e na le lihloliloeng tse ngata tse e-s'o thetsoe, tseo 'muso o lokelang ho bulela bacha menyako ea botseteli le ho kena khoebong ea mesebetsi e meholo.

O re e bang 'muso o ka ikeletsa ho ela hloko litaba tsena ho tle ho be le ponalletso e nang le tsamaiso ea molao, e tla thibela bobolu kaha bo nonyetsa moruo oa linaha.

O re tikoloho ea Lesotho e tla baballeha le Ba-

sotho ba tla ba le qenehelo ea naha le lihloliloeng li tla baballeha ho feta ha molata a fuoa monyetla oa ho rafa a tsamaea. A re phallo e tla etsoa merafong e tla tla kahar'a ho naha le teka-tekano ea moruo e tla nolofatsa. O re malapa a mangata a Basotho a ne a phela ka lichelete tsa merafo, 'me kamor'a hore mesebetsi e fele naheng ea boahelani bofutsana ba qalella ho aparela Naha ea Lesotho. O ipilelitse ho 'muso ho bula menyako bakeng sa Basotho ho kena khoebong ena molemong oa ho ntša naha maqaqabetsing a tlaala le tšotleho e ba tjametseng.



# Sehlabaka o malala-a-laotsoe

## Nthabeleng Seitlheko

**B**acha ba Lesotho ba ke ba khethe ntho eo ba e batlang, e nang le boleng eseng e etsoang hobane ho kothometsoa motho e mong kaha seo se le kotsi. Litaba tsena li boletsoe ke Mookameli oa Bacha ba Lekhotla la Puso ea Sechaba (DC) Pheello Sehlabaka, puisanong le koranta, ka la 12 Phupjane monongoana.

O re nakong ena eo bacha ba habo ba ithophelang ho khetha boetapele ba bacha ka khoeli ea Phato monongoaha, o rata hore ba kenye ts'ebetsong leano la ho khetha batho ba nang le boleng, e le karolo ea ho ithophela ho etsa khetho e nepahetseng likhethong tse akaretsang tsa naha tse tla latela.

O re o lumela hore

boetapeleng ba hae ba bacha o ne a emela lithahasello tsa bona, 'me ba atlehile ho ba molomo oa bacha ba Lesotho ho bona hore tlhahiso ea mesebetsi e ba teng. Ka hona o re ba ile ba atleha ho hira bacha ba 8, 000, le ba neng ba sebetsa

Lekaleng la tsa Lehlae ba 4, 000 'moho le litichere tse 2, 500 tse neng li fumane mosebetsi oa lilemo tse peli.

O lumela lipolotiking tsa ho iketsetsa hoo a ileng a keteka letsatsi la hae la tsoalo ka ho fana ka lipeo, kaha a na le pelo ea hore

bacha ba iketsetse. O re o na le lihlopha tsa bacha ba sebetsanang le litalenta tseo a li ts'ehetsang ka lichelete ho netefatsa hore litalenta tsa bacha li'a ba phelisa.

O re ba laoloa ke molao oa motheo oa DC hore bo-

emeli ba bacha e be 20% ba basali ebe 30%, eo a tla etsa kopo ho seboka hore se mo lumelle ho etsa sehlopathiso sa hore bacha ba emeloe ke 25%, basali e be 45%. O re hona ho tla nyolla boemeli ba bacha mafapheng a fapakaneng.

O ts'episitse bacha ba DC hore ha ba ka mo khetha o tla tsoelapele ho ba lentsoe la bona, a arabele lithahasello le lithoko tsa bona. O itse kahara DC motho ha emele likhetho empa o khotlaetsoa ke ba bang, ka hona le eena o khotlaelitsoe ke bacha ha habo. O bonts'itse ha ka khethoa a tla ts'oara lihlolisano tsa baithuti haholo ba Setereke sa Quthing ho ba matlafatsa thutong ea Senyesemane.

Sehlabaka o qalile ho ba kahar'a tsamaiso ea bacha ka selemo sa 2018, boetapeleng ba Moeketsi Shale, likomiti tsa bona li nka lilemo tse tharo, 'me kamora nako eo ha sa tla emela likhetho o tla fa bacha ba bang monyetla. Khetho ea komiti e tla ba ka la 23 ho isa la 25 Phato monongoaha.



# 'Muso o fa baoki tsebe

## Nthabeleng Seitlheko

**L**etona la Bophelo Mohlomphehi Se-libe Mochoboroane o fihletse tharollo ea hore baoki ba sebet-sang Litsing tsa Bophelo ka lithabeng, ba fumantšoe M500.00 khahlanong le M1, 000.00 eo ba neng ba e tsetselela. Litaba tse na o li tiisitsoe puisanong le koranta ka la 10 Phupjane monongoaha.

O re baoki bana ba tla fu-mana chelete ena ho tloha mafelo a khoeli ea Phup-jane 'me tselo ke hore ka khoeli ea 'Mesa isao e ny-olohe ka M250.00 ho fihlela eba M1, 000.00 O re qeto ena e fihletsoe hobane ho se chelete e ka arabelang kopo ea baoki, empa o na le tumelo ea hore eo e teng e tla etsa phetoho e kholo.

O bontšitse hore baoki ba tobane le liphepetso tse ngata ho kenyeletsa le bolulo libakeng tse ling 'me ha ba ntse ba arabela lithoko tsa bona hanyane ba tla theola sekahla sa lithoko tsa bona e le hore ba shebane le tsa sechaba litabeng joaloka khaho ea Litsi tsa Bophelo, metsi le phano ea litšebeliso e tsoileng matsoho.

O ipilelitse ho baoki ho ela hloko bohlokoa ba mosebetsi oa bona, kaha e le bona ba pholosang bophelo ba sechaba, ka hoo ba sebeletse sechaba ka lipelo tse ntle, lerato le mamello.

Mookameli oa Mokhat-lo oa Baoki Busa Qhala, o supile hore boipelaet-song ba bona Literekeng tsa Qacha's Nek, Quthing, Mokhotlong le Thaba-Tse-ka litšebeliso li khutletse setloaeling kamor'a hore ba lumellane le 'Muso oa Lesotho ho lefa baoki meputso ea bona ea ho sebetsa ka lithabeng.

O itse ba amohetse M500.00 le hoja ba ne ba lebeletse M1, 000.00 empa kaha 'muso o entse boitlamo ba ho eketsa chelete eo selemo le selemo seo ha se na ho ba sitisa ho beha 'muso leihlo ho bona hore o arabela lithoko tsa bona. O re leha ba lebeletsoe ho fana ka litšebeliso tsa bophelo tse tsoileng matso-



ho qetellong ke batho bana le lithoko. Hape o re ba motlotlo hore chelete ena e se e tloanela le ho bah-lanka ba bang ba 'muso, ke takatso ea bona ho bona lipuisano tsa bona li tsoe-lapele le 'muso.

Ho sa le joalo Mokhethoa oa Malingoaneng, Mokhot-long Ramakalima Monethi, o hlalositse a thabile hore ebe 'muso o arabetse tlhoko ea baoki hobane le bona ke karolo ea sechaba e lokelang ho hlokomela

joaloka bohle. A re ho ne ho le thata sechaba se sa fumane litšebeliso haholo bakuli ba mafu a sa pheko-leheng, ka hona ho hula matsoho ha baoki ts'ebet-song ho lemalitse bophelo ba bang ba sechaba.

O khothalelitse baoki ho arabela lithoko tsa sechaba ka mofuthu le ho ela hloko hore litšebeliso tsa bophelo ke tsona tse reretsoeng ho pholosa bophelo ba motho 'me ha se phoso hore ebe li ba teng.

## We attempt love with broken hearts



**Teboho Matjeka**

We all need to be loved and share the love we have with others; we hardly ever go into relationships for them to fail. We are actually looking for a forever type of relationships because they provide stability and consistency. We want to be in relationships where we can grow and help those we are in relationships with to grow.

The million Maloti question remains, why do relationships keep failing when all we ever want is healthy and progressive relationships? The answers rest in our approach to relationships, we get attracted to people for particular reasons, when we get to them we are looking for something different, what attracted us isn't important

anymore. We get into relationships broken probably by either what happened to us in our previous ones or what we saw in other's, all those bad experiences formulate the ideology of what we are not going to allow in our relationships.

We want to correct all those things we despised in what we went through or saw in our current relationships, we are bleeding on people who didn't break us, and by so doing that we are actually breaking them; making relationships suffer.

The problem we are creating here; we present the self that we think will survive the relationships not who we really are, when time goes and we feel free in the relationships we want to bring out our true personalities, which surprise our partners because they fell in love with what we were presenting. It is best to heal, deal with whatever issues we have so as to be ready for something new and realistic. We should be mindful that we do not love with broken hearts.



# Mothibe o itlhoma pele

## Nthabeleng Seitheko

**M**othehi oa leruo la likhomo tsa lebesese 'Mamothibe Mothibe, ea lilemo li 32 oa Ha Motloheloa, o re bacha ba kene temong ea mefuta eohle ho ithlahisetsa mesebetsi. Tsena li hlahelsetse puisanong le koranta ka la 11 Phupjane monongoha.

O re o qalile ho kena temong ena ka la selemo sa 2015, moo ba neng ba reke likhomo tsa lebesese Roma lipapatsong, 'me ba khahloa ke ho li eketsa. Ka nako o re li ne li tšeletse eaba o khahloa ke ho li batlela sebaka sa tsona se ikhethang hore li tsebe ho thala. O tsoelapele hore li ne li etsa lebesese le lengata hoo a neng a fana ka lona, empa ka selemo sa 2018 ba qalella ho isa lebesese le joalo setsing sa theko ea lebesese.

A re ho intlafatsa o ile a kena kopanong ea lihoai tsa likhomo tsa lebesese, 'me ba atleha ho eketsa ka tse ling ho hlaha Afrika Boroa. O re ntho e bohloko ke hore li

ne li e-shoa ka bongata hobane ba sa tsebe tlhokomelo ea tsona, hobane eena le molekane oa hae ba se na leseli ho hang mabapi le temo. O itse ho fihlela ha joale ho s'o shoele lihomo li tse robeli.

O tsoetsepele hore qholotso e kholo e ne e le mafua ao ba sa tsebeng ba sebetšana le ona joang, empa ha joale ba se ba e-na le ma-

qiti le litsebo tsa ho eelloa na matšoao a lefu le itseng ke afe, kamora ho fumana likoetliso ka mekhoha e fapaneng.

Mothibe o re ka selemo sa 2023 ba ile ba kenela litlholisano tsa boqapi ba mahlale moo a neng a hlahisitse motsoako oa lijo tsa likhomo tsa lebesese, 'me a atleha ho ba boemong ba pele, 'moho le tsa Cafu le



teng a ba mokhahlelong oa pele.

O itse har'a litlholisano tseo a ileng a li kenela ea Sebatso e mo buletse mamati hoo a ileng a atleha ho ea emela bacha Naheng ea China, 'me ha joale o khethiloe kahar'a litlholisano tsa ho tlotloa ha basali temong Finite Magazine Awards tse tla ba ka khoele ea Phato ka hona o kopa tšehetso ho balateli ba koranta.

O re o se a e-na le likhomo tse 15 le manamane a mabeli, 'me takatso ea hae ke ho phahamisa tlhahiso ea lijo tsa liphoofole. A re hara likatleho tseo a ka li

bolelang ke hore ba se ba hirile batho ba bahlano ba tsitsitseng tšebetsong le basebetsi ba bane ba nakoana, 'me o lakatsa fetola bophelo ba batho ba bangata. A re liqholotso tse kholo ke bosholu ba liphoofole le tšireletso ea tsona.

H'a phethela o ipilelitse ho bacha ba nang le takatso ea ho qala khoebo empa ba e-na le toro ba ngole seo fatše ba ithekise ka sona ba tsebe ho fumana tšehetso ba atlehe.

A re ba leboha baphatlalatsi ka ho ithukhubetsa ka matla ho tleleha litaba tsa bona e le bacha hobane seo sea ba holisa.

# Elegance Couture



**E**legance Couture is a Mosotho woman owned business whose mandate is to provide high quality, elegant clothing at affordable prices.

**Elegance Couture** is popularly known for its beautiful and elegant evening and cocktail clothing however it extends its designs to streetwear, casual wear, office wear as well as winter wear.

The company was officially launched in 2023 in the first ever, **Elegance Couture fashion show and launch**.

Thus far, Elegance Couture, usually abbreviated as **"Elegance"**, has hosted two fashion shows and has participated in a number of other fashion shows including the Sotho Kids Unscripted fashion show where it highlighted its beautiful designs.

Elegance is located at **Kingsway, Maseru, Tradorette building Room B22**. It is also available on **Facebook as Elegance Couture**, as well as **Instagram as Elegance Couture**.

## Ke khetho ea ka

### Mother's Touch

**N**goana e mong le e mong o kalosong le boikarabollong ba motsoali kapa moholisi hofihlela a le lilemong tsa boikarabelli. H'a le lilemong tsa bongoana o khetheloa lintho tsohle tseo a li hloakang, ebe h'a se a holile ke boikarabello ba hae ho khetha kapa ho iketsetsa liqeto tse amanang le bophelo ba hae. Kholong ea hae o rutoa lintho ke bahlokomeli 'me hangata o etsa lintho ka sepheo sa ho ba khahlisa. Hang h'a fihletse lilemo tsa ho inkela liqeto o lokela ho lokolloa a iketsetse tsona ho se tšitiso, empa ho sa thibele hore a ka fuoa boeletsi moo bo hlokahalang teng. Batho ba bang ha ba fumane monyetla oa ho phela ka tsela e ratoang ke bona ka lebaka la hore batsoali kapa baholisi ha b'a ba lokolla ho etsa joalo. Ba ba faseleitse katlasa serukhmetso sa bojalefa. Ke maemong a kang ana moo

u tla bona lelapa le leng le phe-la kahara le leng. Mohlankana a kene lenyalong le kharebe, kamor'a moo u bone ba sa sisinyehe ho theha lelapa la bona. Ba lutse moo hobane mora o tšepisitsoe hore ke eena mo-jalefa, ntlo e kholo e lekana lelapa lohle kapa joale mora ke ngoan'a mong o tlameha ho hlokomela molekane le batsoali. Che boo! Motho ka mong ke boikarabello ba hae ho bona hore o hlokomela bophelo ba hae joang haholo h'a tsitsitse kelellong. Taba ena ea ho se lemosa motho h'a se a lokela ho arohana le litho tsa lelapa la habo ka ho tsoa motse ke e 'ngoe ea mabaka a phahamisitseng sekahla sena se holimo sa tlhalano. Ho kenya motho kahara lenyalo a ntse a entsoe "sano" kapa "mentu" ho ka ba kotsi ho eena le ho molekane oa hae: ka hore e be o kene bophelong ba lenyalo le motho eo le ka mohla a ke keng a inkela qeto ea eng kapa eng pele a ka botsa motho eloa ea

mo entseng "letsoalo" la hae. Ngoana o lokeloa ho rutoa a sa le lilemong tse tlaase hore ho iketsetsa liqeto ke taba ea bohlokoa, e le hore a tle a tsebe h'a se a le moholo hore ho inkela liqeto malebana le bophelo ba hae ke bohlahe hobane ke motheo oa likamano tse tsitsitseng pakeng tsa hae le batho ba mo potapotileng. Motho a tsebang ho iketsetsa liqeto o tseba seo a se hloakang papisong le seo a se batlang, ka hona a ke ke a khetha ntho eo a e batlang pele ho eo a e hloakang. Bophelo ba motho ka mong bo liatleng tsa hae, ke khetho ea motho ho hlokomela litšiu tseo a li abatsoeng tsa ho ba mona lefatšeng, ho sa natsoe tseo a li tšepisitsoeng ke baholo ba hae. Etsa khetho ea hau kajeno, 'me le bana ha ba se ba fihletse lilemo tsa ho iketsetsa liqeto u ba lokolle ba etse joalo hobane u sa ba lokolleng ba tla u bolaisa bohloko ba pelo ha ba etsa liqeto tse sa u khotsofatseng.








# MOB KIDDS EDUTAINMENT

## CROSS WORD



**ACROSS**

- 1. Pierces
- 6. Falsified
- 11. Pair
- 13. Illegitimate
- 15. Oxygenates
- 16. God of the sea (Roman mythology)
- 17. Chinese revolutionary
- 18. Bothers
- 20. Advice columnist..... Landers
- 21. Sea eagle
- 22. Gardening tools
- 23. Mid-month days
- 24. Collection or series
- 26. So far
- 28. Mineral-bearing rock
- 29. Round wooden rod
- 32. Fortune tellers
- 34. Restate

35. Arab country in northeast Africa

- 37. Jaunty rhythms
- 40. Glass container
- 41. A measure equal to 16 feet
- 43. Gremlin
- 45. Fertilizer ingredient
- 46. Anagram of "Noted"
- 48. Whirlpool
- 49. Anger
- 50. Argumentative
- 52. Prefix indicating recent or new
- 53. Bastion
- 57. Foes
- 58. Fails to fulfill a promise
- 59. Coarsely ground hulled corn
- 60. Stitched


**DOWN**

- 1. Uttered obscenities
- 2. A city in Ontario Canada
- 3. A king of Judah
- 4. The two of them
- 5. Smudge
- 6. Hurries away
- 7. Mountains in Europe
- 8. A set of tools
- 9. South American country
- 10. Main meals
- 11. Makes docile
- 12. An analytic literary composition
- 13. Cove
- 14. Taut or rigid
- 19. Body frames
- 25. Tearful
- 27. Abominable snowmen
- 30. Sardonic

- 31. Illuminated
- 32. Actor..... Mineo
- 33. Snake-like fish
- 35. A piece of jewelry
- 36. One who welcomes
- 38. Adolescent 3
- 9. Precipitated as a mixture of rain and snow
- 40. Liquid from fruit
- 41. Boils
- 42. Dissuade
- 44. Flat masses of floating sea ice
- 46. Tall woody plants
- 47. 10 cent coins
- 50. Assemble or modify written material
- 51. Walking stick
- 54. French for "Friend"
- 56. Not old


## DID YOU KNOW?

**"strengths" is the longest word in the English language with one vowel**



According to the Guinness Book of World Records, "strengths" is the longest word in the English language with one vowel. The word contains nine letters, eight of them being consonants.

**SOLUTIONS: MoB92-4531**





# TSA KEREKE

## Ba fumana masapo



Basebetsi ba Rome ba tlalehoa ba sibollotse masapo a motho a khale nakong eo ba neng ba cheka haufi le Vatican, bakeng sa khaho ea e meng ea merero ea Jubilee ea Kereke e Katholike ea selemo sa 2025. Morero o tliil'o sebelisa chelete e fang \$86Millione o tliil'o hokahanya Piazza Pia le Castel Santa Angelo, e leng moaho o etsang nalane o ahiloeng ke 'Muso oa Roman Emperor Hadrian. Litlaleho li supa hore masapo a ile a epolloa nakong eo ho neng ho etsoa tsela ea

likoloi le batho e tsamaeang ka tlaase ho lefatše bakeng sa batho ba lebang Saint Peter's Basilica. Liphuputso tsa mathomo li supa hore masapo e ne e ka 'na eaba ke a lilemo tsa bo-1600 ho isa ho 1800. Litlhahlobo tse ling li ile tsa boela tsa etsoa ke Bolaoli ba Baepolli ba Lintho tsa Khale ba Naha ea Italy. Litlaleho li re khaho setšeng sena sa pele sa mokete o moholo oa Jubilee ea Kereke e ile ea tsoelapele joalokaha ho reriloe kamor'a hore ho phuthoe masapo. Ho ea ka Majoro oa Rome, Monghali

Roberto Guathieri o nahana hore Piazza Pia e tliil'o e fetola e 'ngoe ea libaka tse ntle ka ho fetisisa lefatšeng. Ho sa le joalo, Mopapa Francis o phatlalalitse hore Jubilee ena ea tšepo e tliil'o qala ka letsatsi la pele la Kerese-mese monongoaha. A re ho tsoa Vatican le toropo ea Rome ho lebeletsoe batho ba hakanyetsoang ho limillione tse 35, ho tla motseng ona oa Bosafeleng bakeng sa Jubilee ena ea pele e tloaelehileng ho tloha ka Jubilee e kholo ea selemo sa 2000.

-CNA-

## 2023-2024 SELEMO B

Sontaha sa 11 har'a selemo

Ezekiele 17,22-24.

Pesalema 91

Ba-Korinthe 5,6-10

Mareka 4,26-34



**Khothatso**

### 'Muso oa Morena o feta tsohle

Batho ba bang ba lumela hore 'Muso oa Morena o fihlile Leholimong, ba bang ba re o tla tla mohla Kriste a khutlang ka nama, ha ha bang ba lumela hore motho a ka o fumana ka ho ba le tumelo ho Kriste. Ana 'Muso oa Morena o ka fumanoa habobebe hakaalo? Har'a litumelo tsee kaofela ke life tse itšetlehileng ka Mangolo a Halalelang? Testamenteng ea Khale ho na le litemana tse ngata tse buang ka tšepiso ea Morena ka ho tla ha 'Muso oa hae. (2 Samuele 7:12-3, 7:16; 1 Likhosi 9:5; Daniele 4:3; 4:34, 7:18, 7:27) Molimo oa Abrahamama, Isaaka le Jakobo, e se oa ba shoeleng (Matheus 22:32) o ile a tšepisa Abrahamama hore "Ho tsoa lelokong la hae malapa ohle a lefatše a tla hlohonolofatsoa." (Liketso 3:25; Ba-Galata 3:8).

Bohle bao e leng ba Kriste ke litloholo tsa Abrahamama, majalefa ho ea ka tšepiso hobane ba latetse ka tumelo eo e leng nta'a Bakriste. (Malakia 2:15; Ba-Roma 4:16; Ba-Galata 3:19). Bana ba Abrahamama, ba peo e halalelang ea Morena Molimo ka Kriste; ba tsoetsoeng bocha (1 Joannes 3:9, 5:18) ka peo e sa boleng (1 Peterosi 1:23) ke bona ba tla ba le kabelo lefeng la 'Muso o sa feleng oa Morena Molimo.

Kamor'a lefu la Joannes Mohlatsoi Kriste o ile a ea Galilea a phatlalatsa Molaetsa oa Litaba tse Monate a re, "Nako e se e atametse, bakang 'me le lumele molaetseng oa litaba tse molemo." (Mareka 1:14-5) O ile a bolela hore o lokela ho ruta libakeng tse ling, hobane o rometsoe ke Ntate ho phetha mosebetsi oo. (Luka 4:43). A e-na le barutuo ba hae ba 12 o ile a tsamaea metseng le metsaneng a ruta le matlong a thapelo molaetsa oa litaba tse molemo a bile a phekola le mafu ohle. (Matheus 9:35; Luka 8:1) A boela a roma ba 12 ho phatlalatsa le ho phekola, a ba fa le matla holima meea e litšila. (Luka 9:1-2)

Mosebetsi oa Kriste ha o ka oa fela kamor'a lefu la hae hobane ha qeta ho tsoha o ile a itlhamisa ho barutuo ba hae a phela matsatsi a 40, a bua le bona ka 'Muso oa Morena Molimo. (Liketso 1:3)

'Muso oa Morena Molimo ke'ng hantle? Morena Jesu o ile a bolella e mong oa baholo hore h'a hole le 'Muso oa Morena kamor'a ho mo bolella molao o reng o tla rata Morena Molimo oa hae ka pelo eohle ea hae, a be a rate oa habo joalokaha a ithata. (Mareka 12:29-31, 34) H'a botsoa hore na ke mang e moholo 'Musong oa Morena o ile a re ho bona ha ba sa fetohe ba tsoane le bana ba ke ke ba kena 'Musong oa Maholimo. (Matheus 18:1-3)

"Muso oa Morena ha se lijo le lino empa ke ho loka, khotso le thabo ea Moea o Halalelang." (Ba-Roma 14:17)

Balatelyi ba Kriste ka ho lakatsa ho tseba ka 'Muso oa Morena ba ile ba 'motsa hangata hore na o shebahala joang. (Mareka 4:30; Luka 13:18, 20)

Lefatše le tlo iketsa lifofu hofihlela neng ho bona hore 'Muso oa Morena o fihlile lefatšeng, kaha ho fihlile mehleng ea pele? Bashoela-tumelo ba pele ke mehlala e phelang ea karolo ea 'Muso oa Morena lefatšeng. Bohle ba sa boneng ba tla fofala hofihlela joaloka mehleng ea Noah. (Matheus 24:37-9) Bohle ba amohetseng Sakramente ea Tlhatsuo ba kene 'Musong oa Morena o lefatšeng ka tsoalo ea bona ea moea ho Kriste le ho lula ha Moea o Halalelang o ba sireletsang ho e mobe.



sales@moeletsoabasotho.co.ls

#PARAREDOMINOPLEBEMPERFECTAM

HOLISA KHOEBO EA HAU

+266 28 350 466/  
+266 6260 09 WhatsApp

BAPATSA LE RONA

### Bahalaleli har'a Beke

- 17 Phupjane Adulf
- 18 Phupjane Marina
- 19 Phupjane Protase
- 20 Phupjane Anthony Turner
- 21 Phupjane Aloysius Gonzaga
- 22 Phupjane Alban

**Tšeliso Thakholi**

# FLR e fuoa thepa

**P**resident ea Mokhatlo oa Lesotho oa Papali ea Rugby (FLR), Monghali Fetang Selialia o re phano ea thepa e bohlokoa haholo kholong ea papali ea rugby naheng ena kaha e netefatsa

qeqekohali oa thepa ho tsoa Kampaning ea marang-rang a mehala ea Econet-Lesotho tšebelatsong e bileng Leb-aleng la Setsoto, Maseru ka

holisa le ho ntlafatsa boemo ba papali ea rugby kahar'a Naha ea Lesotho. A leboha ka mokhoa o khetheliheng tšehetso e ntseng e tsoela

tse nepahetseng re thabetse bokamoso bo chabileng ba papali ea rugby Lesotho, 'me re leboha balekane ba rona e leng Econet.' Ke Selialia eo.

fumahali 'Mapusetso Ntšekhe o itse ba motlotlo haholo ho tšehetsa papali rugby kaha e kopanya sechaba ho se etsa ngatana-nngoe, e boetse e khothaletsa bongoe le tšebeliso-'moho, kholo le ho khothaletsa bacha ba bangata ho itahlela ka setotsoana. A tiisa hore kholo ea papali ea rugby kahare ho naha e kentse letsoho ho ntlafatsa bophelo ba bana ba Basotho.

Thepa e fanoeng e kenyeletsa lifolakha tsa lihuku, li-marker wedges le li-post tseo kaofela e leng tsa bo-leng ba chelete e kaalo ka M20,000.00. Ho feta mona Econet-Lesotho e boetse e tšehelitse Liki e Kholo ea Rugby ka bokhotho-khotho ba chelete e kaalo ka M170,000.00 ho bona hore lihlopha li na le li sebelisoa tse hlokalahalang. Ka kakaretso ho tloha ka selemo sa 2013 ho fihlela ha joale, Econet-Lesotho e se e tšehelitse rugby ka chelete e kaalo ka M1.5Millione. Phano ena ea thepa e ile ea tlotlisoa ka boteng ba baelimi ba Econet-Lesotho, FLR le LSRC.



polokeho ea libapali nakong ea lipapali. Tsena o li buile nakong eo a neng amohela mo-

la 11 Phupjane monongoaha. O supile hore thepa ena e tla sebelisoa bakeng sa ho

pele ea lichelete le phano ea thepa ho tsoa ho Econet-Lesotho. "Ka lisebelisoa tsena

Mookameli Lefapheng la Lipapatso la Econet-Lesotho le Boiphihlelo ba Bareki, Mo-

## O nka boemo ba borobeli

**Tšeliso Thakholi**

**S**emathi sa mabelo a mokoka, Teboho Sello o makalitse likhalala tse tummeng haholo lefatšeng tsa mabelo a malelele, h'a hlahla boemong ba borobeli lebelong la Comrades Marathon la bolelele ba 85.91Km le bileng Durban, Afrika Boroa ka Sontaha sa la 9 Phupjane monongoaha.

Leha serame e ne e le se kenellang masapong, o bontšitse boiphihlelo ka ho tsoa khoeleng ka nako ea 5:36:11 kamor'a Elov Olsson oa Naha ea Sweden maemong a bosupa ka nako ea 5:35:24. Mohloli lebelong lena ke Piet Wiersma oa Naha ea Netherlands ka 5:25:00, bobeling Dan Moselakwe ka 5:25:45 ha borarong e le Degafa Yohannese Lafabo oa Naha ea Ethiopia ka 5:27:48.

Ka ho hlaha boemong ba

borobeli, khalala ena Lesotho e hapile M16,500.00 ha mohloli eena a kiba-kiba ka M275,000.00. Basotho ba bangata ba ne ba e-na le tšepo ea hore Jobo Khatoane ke eena ea tlii'o etsa nalane e ncha ka ho hapa lebelo lena kaha a hlile a itlthoma pele likolomithar-eng tse 40, empa a qetella a tsoile ka lebaka la ho khathatsoa ke mesifa.

Ka ho basali Gerda Steyn oa Afrika Boroa ea seng a phela Naheng ea United Arab Emirates ke eena ea atlehileng ho sireletsa sekola makhetlo a mararo ka tatellano, empa haele Tete Dijana ea neng a se a hapile lebelo lena ka makhetlo a mabeli o hlotsoe ho sireletsa mohope.

Ba bang ba limathi tsa Lesotho tsa mabelo a mokoka ba qalile pele ka ho lebohela Teboho Sello ka tšebetso ea hae e ntle lebelong lena. Ba re hore naha e tle e qetelle e e-na le likhalala tsena



ke mosebetsi o matla o etsoang ke bakoetlisi, ba bileng ba sa natsoeng ke ba ikarabellang litabeng tsa lipapali, leha libapali tsa mabelo li ntse li phahamisana folakha ea naha boemong ba machaba. Ba re ha se joale ba loana khahlanong le tsamaiso e mpe ea mabelo Lesotho, 'me ba se ba ipiletsa ho bohle ba chang ba tšola ho tšehetsa bana ba Basotho ha ba il'o qothisana lehlokoa le linaha tse ling boemong ba machaba. "Leha e le Basotho ka nako e 'ngoe ba mabitso a bona a atisa ho hlaha e le Ma-Afrika Boroa hobane ba fumane litšehetso naheng eo, ha ea habo rona e re lahlile khrehloa." Ba rialo.

Lebelo lena la selemo le selemo la bo-97 le ntse le mathoa, le bonahetse le le boima monongoaha kaha le nyoloesetsa ho tloha Durban ho leba Pietermaritzburg, ha ngoahola le ne le theosetsa ho ba len e le tloha Pietermaritzburg le leba Durban. Monongoaha limathi tse neng li kenetse lebelo li bile 20,000.

# E theoha sa maratsoana



## Tšelis Thakholi

**S**ehlopha sa Naha sa Likuena se theohetse boemong ba bone Mokhahlelong oa C, lipapaling tsa ho phunyeletsa ho ea Mohopeng oa Lefatše kamor'a ho sasara ke Rwanda ka phafa e bohloko ea 1-0 Lebaleng la Moses Mabhida, Afrika Boroa ka la 11 Phupjane monongoaha.

Likuena e ne ile ea kotso-mala se maratsoana ka ho ba boemong ba pele ka Laboh-

lano la la 7 Phupjane monongoaha kamor'a ho khakhatha Zimbabwe ka phafa ea 2-0. Linaha tse tharo tse ka holi-mo ho Likuena ke Rwanda maemong a pele, bobeling ke Afrika Boroa ha borarong e le Benin. Sehlopha ka seng se bapetse lipapali tse 'ne 'me se na le lintlha-kholo tse supileng. Lihlopha tsohle tsa Mokhahlelo ona li bapetse lipapali tse 'ne, 'me Likuena e hapile papali e le 'ngoe, ea bapala ka ho lekana ho tse peli, ea lahlehela ke e le 'ngoe, e na le lintlha-kholo tse hlano.

Naha ea Zimbabwe e bona-

halang e iphetotse ntekeng ke ea ho qetela Mokhahlelong oa C kamor'a hore e tlontlloe le ho hobosoa ke Afrika Boroa ka thupa ea 3-1. Ha e-s'o hape papali leha e se e le 'ngoe, e lahlehetsoe ke tse peli, ea bapala ka ho lekana ho tse peli, 'me e na le lintlha-kholo tse peli. Sehlopha sa Likuena se saletsoe ke ho tla bapala lipapali tse tšeletseng ho tloha ka Tihakubele isao, 'me ha se ka atleha se tla ba kahar'a lihlopha tse hlano tsa Tikoloho ea Afrika tse tlang ho ea kenela lipapali tsa Mohope oa Lefatše ka 2026.

Likuena e ntse e tsoela pele ho bapalla lipapali tsohle tsa sona Naheng ea Afrika Boroa ka lebaka la maemo a sa jeseng litheohelang a Lebala la Setsoto. Barati le batšehetsi ba bolo ea maoto ba boletse hore Likuena e ntse e na le monyetla o moholo oa ho phunyeletsa kaha e saletsoe ke lipapali tse 'maloa, tseo e lokelang ho sebetsa ka thata ho li hapa. Ba boetse ba re ba thabisitsoe haholo ke papali e tsoileng matsoho eo Likuena e bapalang.

Mokoetlisi oa naha, Monghali Lesley Notši o re leha

ba sa atleha ho hapa papali ena, o bona phetoho e kholo kahar'a sehlopha. Ka hona o thoholelitse le ho leboha bahlanka ba hae ka ho bapala ka boitelo le ho ba le lenyora la ho hapa lipapali tsa bona. A qetella ka hore ba tlii'o boela ba qetella ho sebetsa ka thata ho lokisa moo e bang ba ile ba khibela, e le hore isao ba tsebe ho sebetsa hantle lipapaling tse ba saletseng. Le hoja a ntse a tiisa hore tsela ena e lebang Mohopeng oa Lefatše ha e bonolo, e hloka boitokisetso bo matla ka litsela tse fapakaneng.

## Talenta e ngata

### Tšelis Thakholi

**S**ebapali sa mehlang sa sehlopha sa Sekoele, Monghali Teboho Rapuleng o re talenta e ngata ea lipapali kahare ho naha, empa bothata ke tlhokahalo ea botšehetsi ho tsoa ho bafani bakeng sa ho holisa le ho ntlafatsa lipapali le boitokiso bo fokolang ba litholisano tsa machaba. O buile tsena puisanong le Koranta kamora hore sehlopha sa habo sa papali ea senuka sa Shooters, se bonahale e le sa tse ling tsa lihlopha tse tlii'o nyolohela lihlopheng tse kholo tsa liki ea Maseru First Division, ha liki e fihla pheletsong ka Phupu monongoaha.

O re e se e le tloaelo lipapaling tsohle kahar'a naha hore ha Lesotho le ea lipapaling ka ho fapakana tsa machaba, ekaba ke tsa setsoalle kapa litholisana

no tse itseng lihlopha li lieha ho itokisa ka lebaka la khaello ea litšehetso tsa lichelete 'me o fumane hore moo e bang se fumana tšehetso ho tsoa ho 'mamekhatlo ea lipapali, se ba le nako ea libeke tse peli feela bakeng sa boitokiso. "Ka hona taba ena e tliša litholoana tse seng monate lipapaling ka ho fapakana ha tsona." O boletse joalo a bile a eketsa ka hore ho tloha esale liki ea senuka e qalile o potolohile le liki tsena tse peli, ho iponela tšebetso ea lihlopha mekhahlelong e fapakaneng.

Ho fihlela ha joale ha liki li se li haba ho ea fihla pheletsong, o re tšebetso ha e khotsofatse 'me o hlokometse hore sena ke litholoana tsa boithopho bo fokolang ba lihlopha bakeng sa lipapali tsa liki le ho hloka tšehetso ha liki. A re le libapali li lokela ho nka lipapali tsena li



le bohlokoa haholo, molemong oa bophelo ba bona kaha papali ea senuka matsatsing ana e lokela ho fetoha mosebetsi, e seng moo batho ba itlosang bolutu joalokaha ba bang ba e nkile joalo.

A ipiletsa ho libapali ho itlahloba le ho tšepahalla lihlopha tsa habo tsona, ka ho hlompha melao le melaoana e tsamaisang papali ea senuka.

"Selemong se secha ha liki e qala ha rea lebella linyeoe tse sa hlokalang tsa sebapali seo u tla fumana se ingolisitse lihlopheng tse ngata ka lebaka la lehabea la chelete. Tsena le tse ling li senya le ho silafatsa seriti sa papali ena eo re e ratang." O boletse joalo a bile a re bohle ba tšepahale kaha senuka joaloka lipapali tse ling tsohle se tla hola ha feela lera-

to le botšepahi bo le teng. A qetella ka hore boitšoarō bo botle, botšepahi, boipabolo kamehla lipapaling le ho sebetsa ka thata ke tsona feela tse ka nolofatsang lipelo tsa bafani ho tsetela kahare ho lipapali. "Re kopa bafani ho sheba papali ea senuka ka leihlo la mohau, le eona joaloka liki tse ling se fumane botšehetsi." Ke eena eo.